

崇雅堂詩鈔

崇雅堂詩鈔卷三

仁和 胡敬 以莊

雪中自西谿度馳巘嶺至湖上

衝寒出西郭微雪黏林梢羣仙吐玉屑亂向風中飄前村路愁
斷靜色連平臯清谿釣寒煙一葉浮輕舸還遵秦亭麓嶺涉馳
巘高冷雲歷層巖低若手可招盤回樵徑細直上凌山椒娟娟
見明湖凍影凝不搖陽厓逗曦光澹白痕半消東風暗回旋轉
眼春光饒春歸我遠行未免山靈嘲預約荷花開這暑停雙橈

雨過塘栖

人家臨水啓柴扉生計年年付釣磯野艇過橋波影亂長廊遮
路屐聲稀雲陰不散禁寒定雅陣難高帶溼飛徙倚風前意無
限篷窗閒對雨霏微

石門

阜林橋外水泠泠回首含山幾抹青
密雨千絲風一剪衝寒舟過語兒涇

閩門舟次

怕向谿頭折柳枝清游隨處繫相思
酸風細雨要離家澹日輕煙短簿祠

東風吹解木蘭橈玉雪坡前住兩宵
一帶紅樓窗四啓榜聲搖曳出楓橋

無錫道中

峰峰青不斷遙望九龍山梅里平蕪外
梁谿落照間孤帆逐流轉野鳥對人閒
厓下清泉好憑誰載取還

毗陵驛

放櫂毗陵驛中流瑟瑟波潮痕申浦落嵐影孟山過耳畔鄉音
少風前客思多寒宵愁不寐隔岸起漁歌

舟行書所見

數椽茅舍傍魚磯風際炊煙幾縷微獻歲事完燈試早未黃昏
已掩雙扉

丹陽

料峭霜風透縕袍呂蒙城下一停橈含情欲問齊梁事衰草諸
陵是六朝

渡揚子江

峩峩北固山蒼翠積壓嶸孤帆挂曉日正值微風作煙消孤嶼
見波細寒潮落乘槎願難遂破浪情亦樂中流望南徐蒼蒼但
林游

望金山

金山水中央亭亭獨娟妙蓬萊近咫尺可望不可到風前鐘響
度波際塔痕倒宮殿起參差金碧光照耀峰空浮玉仰亭想留
雲造不盡意徘徊凌虛發長嘯

上元夜宿揚州

花深深處漏迢迢夾岸珠簾隱翠翹錯道揚州二分月十分圓
影是今宵

席間賦春斑魚

憑誰春雨裏幾尾載將還網自桃花浪鱗含玳瑁斑鄉心千里
外風味五湖間何必輸鱸膾尊前足解顏

錢少眉先生招集倚虹園

破曉名園泛櫓過赤闌干外畫船多一彎略約通芳徑四面雕

疏映碧波洞口花侵游客袂樓頭風度麗人歌
便移尊向東軒
坐好待銀蟾照叵羅

抵高郵偕湯山補陳午橋由州城南步出北門歸舟作

舍筏登沙岸閒行亦足娛秦郵仍舊址村市半荒蕪
衰柳孟城驛寒沙蠡社湖回舟意蕭散薄醺晚來沽

渡河

頻年此地亟防秋入海東來最下游千古治河無上策
一帆催我已中流且歌匏葉窶裳渡不見桃花駭浪浮
同是江南風景異白楊衰草滿汀洲

宿遷道中對雪

微雨釀成雪隨風灑夜闌一窗明曉色千里共春寒
孤館披裘起長途攬轡看遙知妝閣裏詠絮正憑欄

官湖題壁

策馬下邳城斜陽媚晚晴暮煙村樹暗殘雪遠山明薄醉消鄉思聯吟記客程藤牀一宵宿明發又前行

夜發滕縣

燈火亂星光車行夜未央遙天初上月平野正飛霜小邑呼關易荒村記里長前途去無已望遠但蒼蒼

荀卿墓

當年兵法重孫吳尚有人知勸學無合傳漫繩遷史失著書原屬孔門徒罪難科以秦丞相醇較多于莽大夫歎息持平誰定論一抔殘照滿寒蕪

望尼山

羣山多戴土獨此翠峻嶒想象高禩祀曾邀聖母登樞虹流瑞

彩巖草著奇徵助岱成霖雨青雲圍圍升

轅下駒

鼓隴胡使馬馳以驅學作馬語聲都盧呼馬不啻如呼奴僕夫
前身轅下駒但使轅下駒尚能行止隨鞭呼胡爲乎鞭之不可
叱之偃蹇還自如嗟哉僕夫似馬非馬驢非驢

汶上

昔賢高不仕期此啓衡門汶水去不返蜀山空復存岵毳望城
堞蕭澹似山村散步東郊外平沙落漲痕

過東平州城

入城纔數里行盡又荒郊春淺樹陰薄路歧車轍交亂山迎馬
首斜照入鞭梢一宿投村店風吹屋上茅

梁山樂

兩崖夾峙高差幾微徑一綫容車過雙輪軒簸作雷響麤沙大
石相礮磨前車已陟頂後車方登陀鞭梢篷影遠相逐隨崖百
折如旋螺有時逢要隘轂擊肩相摩所愁前復有來者進退不
得其如何行行半道忽夷曠中起村鎮山之阿日晡馬煩解鞍
歇渴飲村酒顏爲酡僕夫秣馬夜過半起視碧宇將斜河籠燈
戒道復前進燈映叢薄光穿梭奇峰睽睽逼人立非神非鬼森
駢羅欻然長虹跨百丈橫空駕此疑鼉鼉懸車束馬日將午始
就坦道無偏頗側思春秋務攻戰殺馬斬木奇謀多誰能懼我
一與一列陣不用鶴與鵝吁嗟大行孟門自嶄絕天險畢竟輸
人和願施巨刃剗疊嶂鹵莽恐被山靈訶凌風喟然三歎息舉
頭又見明月穆穆升金波

西楚霸王墓

莫怨割鴻溝亡非在寡謀王心先背楚天命竟歸劉垓下虞姬
泣江東父老羞長陵何處是遺壟此千秋

宿中山店

行已盡巉岈停驂意亦歡避風開戶小旋馬闌庭寬面耐飛沙
撲眉逢舉箸攢故鄉當此節櫻筍飣盈盤

飲馬婦

飲馬婦長綆汲泉提在手維何盛之雙瓦缶凌晨衝寒迎馬首
投以一錢笑開口君不見玉關煙暖波溶溶輶轡無聲咽曉風
恐驚美人春夢中

東阿雜詠

魚山

黃金不可成瓠子河可塞歌罷吾山平海上祠太乙

穀城山

雞鳴手授書亦復誰見此圯下黃石公異日赤松子

礪礪山

道濟昔駐軍量沙用籌數可惜萬里城一朝乃壞汝

白鴈泉

曠野無清泉白鴈忽飛起耿恭拔佩刀與此無二理

挂劍臺

懷哉縞紵情不以故人薄至今墓旁草猶作劍鋒鐔

高唐州

淥水出高唐東趨入滄海支流今久絕但有沙痕在故河馬頰
傳新邑魚邱改山川無定跡人壽少百載胡爲此勞勞向夕車
行殆遲我同心人渡口停驂待徘徊鳴犢河澄波散霞彩

卽目

且共燈前駱驛看琵琶慢撚復輕彈美人自唱大隄曲游子正
歌行路難不解溫柔窮措大最饒佳麗小長干繁紅可耐花燒
眼起向屏風寫畹蘭

德州書旅況寄懷友人

不見芳春花柳妍平原莽莽但寒煙犬牙南北通衢闢馬糞東
西矮巷連犢駕車過聲撼地風揚沙起影漫天故園舊雨如相
憶好寄鴻書到日邊

車中

鈴鐸語郎當疲羸怨路長回風吹野白落日映沙黃塔湧層雲
表碑橫古道旁柳枝青未吐昨夜尚飛霜

自德州經天津抵都道中雜述

河間衝要地來往車班班八尺黃篋篷遮我坐亦安山行石磴
确澤行水潺湲登山復涉水我馬行盤桓長鞭垂革條彎彎如
漁竿摩空一旋轉我馬行嘽嘽道逢西來車爲言路大難回車
指東道紂絕增荒寒

避潦紆途行乃行積潦裏車驅苦泥濘兩日行百里雞鳴早駕
車星見猶未已欲行馬苦疲欲止無村市艱難更前進有火明
蘆葦幸逢人見接坐我茅屋底茅屋何蕭條四壁悲風起苦言
歲饑劬村民半爲鬼麥栽未及熟有大餓亦死草草此客餐聊
用充飢爾聞語心爲酸人生有如此輾轉不成眠空庭月如水
驚聞鬼嘯聲風吹破窗紙

嚴寒水歸壑汲井泉亦枯如何此淫潦汎濫半載餘登高四圍
望如江復如潮時於最高處一二畝村墟村墟水中央久已無

人居匪惟居無人鳥雀并亦無窮黎臥求食馬首嘯烏烏朔風
吹破衣肘露無完膚我時襲重裘偃臥僵蠶如青帘道旁店有
女歌當鑪錦袴裁合歡身上紅羅襦翩翩游冶子買笑金錢輸
哀樂兩不同同爲飢所驅解鞍欲投宿先有客在廬僣從何赫
弈垂手階前趨借問何處來補官行出都移燈就旁舍夜半聞
呼盧

我行潞河隄步步畏傾覆河隄勢彎環隘止容雙轂僕夫籠馬
首一步再三握馬亦行不前狀若牛殼觶有時值欹斜將車用
繩縛長繩曳車走絕駭舟行陸欹斜復崩陷繞道入村落斜穿
墓旁徑仄礙樹間屋下隄復上隄三里逢一曲淹留到昏黑前
後更秉燭我懼下車行沙磧繭雙足風吹鈴郎當安坐輸我僕
東經渤海郡景色何蒼涼燕齊此盟會空亭猶夕陽沈沈中條

山雲氣相迴翔傳聞昔陽城高隱茲山旁徘徊望不見平野白
如霜

凌晨度石橋石勢半崩豁有車迎我來我避停不發喧然踏石
過一落弦脫箬倒植車雙輪勢過萬鈞壓車中人不見見馬頸
流血同行有湯子覩此心膽裂蒼黃就沙渚竟欲揭衣涉遠巡
陷深淖踝沒不可拔連呼將伯助喪屨但存韞篋蹙蹙而登車兩
腳泥滑滑

荒原無雜樹有柳枝盡髡髡枝復剝膚但有空腔存殘雛乏樵
爨時來刳其根根虛勢欲折強立霜風前傳聞背歲底有客乘
高軒過此遭覆壓糜爛傷冤魂我車疾驅過不敢停雙輪又聞
去年秋淫雨漂民廬室者乘桴浮高者栖山巒有山苦不高部
婁相登攀各各假寐間若聞神語然來朝水大至但坐毋驚奔

醒來互相說半在疑信間須臾海上潮白浪來如山千人據地
坐浪從頭上翻驚魂半生死幸免遭鼉殘維時直沽口忽上如
舟鼉因潮鼓洪波隨波相往還縣官躬致祭投以羔與豚鼉乃
率族去狂瀾爲少安我投村店宿馬子爲我言馬我同鄉人寓
此眼親看餘言苦雜亂要不離水患送客出柴門寒月升短垣
陂陀臨大谿斗絕不容上停車問村叟前去多榛莽彼岸有通
衢可渡憑雙槳同行數十乘爭渡聲喧攘解轅脫兩驂車作桔
槔仰搖搖三板船頗狹不盈丈載車復載馬及我三還往感此
登頓勞一日或逢雨此時羨乘舟孤櫂煙中盪

直沽地濱海沮洳雜泥沙架木爲浮橋上覆葦與莎其旁施朱
闌其下通滄波隱隱何隆隆車從橋上過年深枝柱久大半成
欹斜津吏捉小舟十百相連多連舟代浮橋險絕如登陀中流

纔解散一落不可遮我愧非王陽柰此九折何謝彼曠達流海上能乘槎

前村雞未號僕夫催早駕長安百里地今夕車可卸行將入佳境滋味同啖蔗馳驟白石街忽覆當石罅我躬幸無損膏轂重執靶欲速行轉遲咄咄自驚詫皇城十二門萬雉縱橫跨可望不可到到已當昏夜負城野人居暫可一椽偕行酤得白酒痛飲如淮瀉術奇無魯陽能返日三舍世事難預期且宿重城下病中寄家書作

欲寫筆仍閒難堪是遠游病來還強起書到恐增愁作客祈身健長途繫母憂平安無別語封與寄官郵

題秦漆漁梁谿權歌惠山竹枝詩後

菱塘荻港路縈回仙蠡墩前罨畫開憶得一邱還一壑都拈雙

管寫將來

解向煙波作釣徒扁舟搖曳入菰蒲紅牙自按新翻譜可有樵
青壓笛無

軟紅飛盡是天涯淮海頻年苦憶家吟罷雙聲意無限又憑才

調賦京華

洛漁以元夕感
懷百韻見示

梁谿水碧惠山青曾向春前權一停安得清才比舟石和新詩
寄曝書亭

憫忠寺看丁香同福竹也查春山陳石琴王驪泉湯山補
陳午橋

深春候如冬未綠砌旁草我來冀北居頗訝東風少城南有古
刹聞足暢襟抱素心約良朋策蹇過清曉入門境幽絕斗覺除
衆惱丁香幾株開風葉何嫋嫋坐我蒼筤林香雪四圍繞繁枝

綴素朵時值開正好優曇我未見儻見愁壓倒其旁海棠株花
落紛可埽兩美難合併來看惜不早虛庭靜無人唳聽一聲鳥
偕查春山湯山補程沅薌陳午橋出都有作

眼前同此欲歸身檢點行裝一愴神鄉語婆留忘是客都門祖
送竟何人難成冠蓋京華夢空負鶯花故國春佗日雪泥重寄
跡祇愁添得二毛新

涿州懷古

督亢荒陂竟入秦地因詐獻遂成真雨封空斷將軍首兵起先
戕太子身豈有雲臺圖刺客枉勞霜鋸購夫人樓桑村外酈亭
路易水風寒最愴神

勞薪歎

輓紅插腳京華塵柴車輾輾鳴雙輪荒村日暮倦投宿爨底抑

塞炊勞薪勞薪勞薪吾語汝幸耐煎熬無自苦蘭川當門笛作
椽況爾區區何足數陌頭幾日風吹熏棗花著樹香氣氤氳計程
南望忽大笑正好歸聯鷗鷺羣

寄內

天涯應自盼刀環笑我身如倦鳥還知否五更殘月裏夢隨車
度瓦橋關

鄭州晤舍弟立仁

時弟亦將歸
後余止十日

羈旅逢子季平安問老親共聽經夜雨先作到家人什一難牟
利詩書莫療貧生涯吾與汝相對話酸辛

趙北口食魚

此是吾鄉味樽前帶笑看華燈燦相照客路藉加餐風雨雙游
屐江湖一釣竿草堂今夕醉忘已遠長安

河間經鉤弋夫人廟

道已九河平寒沙有犢耕我來瀛海驛遙望武垣城鉤弋傳靈蹟雲陽悵薄情祇今隄上女空擅數錢名

經景州城

洪波聞到此方休地以當窪匯衆流鴻鴈音哀堵少鼃鼃勢橫入城游孤村剩有隕垣在荒壠全無宿麥收寄語吾鄉賢刺史循良端在卹民憂

州牧朱增杭人

次春山韻

五更催起曉行難扶夢登車未覺寒貪看馬頭殘月色一天風露逼衣單

無端鴻爪滯天涯蹉跎歸來薄笨車羨煞跑風紅撥叱綠楊陰裏一鞭斜

羸車謠

六轡了不施行行且止憑鞭絲一羸中負軛三羸前導行參差
曉日未挂扶桑枝衝寒已早凌風嘶途長日暮車驅之一十六
蹠如風馳行行百里那敢遲僕夫怒爾加鞭笞吁嗟良材駕馭
貴得地似此碌碌轅下豈盡凡庸姿君不見驂騑千里足孫陽
不遇空服鹽車赭汗無休時

聽女郎李如如彈琵琶

碧雲吹空華月吐花底間關燕雛語絲柔指澀不成彈旖旎風
前可憐女鬢雲覆額眉峰疎十三未有十二餘碧沙飛飛小鷁
驚渌水泛泛新芙蓉花花葉葉渾相對似爾風姿壓流輩揀盡
春風總不如師師女弟延年妹浪說明珠論斛量可憐飄泊倚
門妝天涯有客青衫破不待聞歌已斷腸

東阿道中次沅菴韻

無計能回馬首東解嘲聊自學楊雄鑣聯陌上袍痕綠曲度尊
前燭影紅一徑潤露梅子雨前村香滿棗花風故鄉歸計非全
拙十畝桑田半畝宮

匡衡故里

在漢諸儒學最醇儻充博士邁羣倫屢屢陳書竟非封事但說詩
還是可人當日餘光分壞壁祇今遺址委枯榛如君豈尚功名
薄錯把詞臣作相臣

南沙河旅店次壁間韻

我生慕聞達不屑耕與耔沾沾事生產陋彼田舍兒桑弧四方
志是用輕別離驅車出門去樂此心不疲庶幾千寸祿歸博堂
上嬉蓬山何迢迢欲到愁無期風塵幾千里往復空奔馳出門

見積雪歸路南熏吹歲華不我畱遊者長如斯流觀壁閒詠感
我羈孤思是非倦行役詩意何深悲勞勞歲暮行問君果何爲
載歌歸去來彭澤眞吾師

牽夫行

長河東注波滔滔下游直上千糧艘湍深波急不受篙趨行箇
箇長繩操高岸躍上如飛猱萬鈞首戴重六鼈欲進不得聲磬
磬十百俯仰同桔槔我不見首惟見尻首俯益下尻益高天寒
雨溼風颭颭入夜尙爾聞嗥號手龜足繭膚無毛中途求息哀
其曹受代不啻鴈脫絛疇助爾力分爾勞輓轡船脣安置牢旋
轉有若縲車縲船中官人蹶錦袍臨風外被秦復陶指顧叱咤
何鑿豪三申五令鼓伐鼙鞭笞橫加難倖逃豈不念爾徒目蒿
天庾鄭重法敢撓性命似此眞秋毫吁嗟粒粟皆脂膏倉中鼠

慎毋貪饗

自嶧縣放舟至淮陰紀事作

我行自嶧縣辭陸登水程飄然順流下適與糧艘迎糧艘高如山舟在山中行一山重一山山接雲平河流曲復曲石牕施縱橫朝看帆疊疊暮看檣崢嶸三朝復三暮尙見蘭陵城揚舲滄浪淵弭櫂下邳驛君山何高高回望白雲積雲來忽不見雲去千峯碧空雲不成雨舒卷自朝夕是時方亢旱水落河更窄高桅不知數排次若鱗密挂帆復卸帆欲渡苦無隙迢迢二千里屈指程未百行路乃爾難排虛羨風翮

舟居寡所歡白晝厭枯坐雙門闢高牕起看糧艘過轆轤植兩岸長綆盤箇箇千人互邪許身作蠟旋磨船頭亦植此製若車輪大鳴鉦齊著力此倡彼則和船頭浪噴濺岸上塵堀堦終朝

不得息鞭撻警其情感此勞勞身志在免寒餓吾儕已踰分忍
道身坎坷淹畱亦偶然且就舟中臥

宿遷古鍾吾邑有伍員里伍員不可見河水流瀾瀾晨炊乏蔬
韭到此懼一艤荒村但茅屋風俗醇可喜繞屋堆黃雲人在黃
雲裏解維復前進正值北風起朝看馬陵山暮已楊莊抵舟人
笑拍手明日渡河矣

黎明祭波神欲渡愁復阻楊莊下游地近在河之許河流正南
趨向北成淺渚隣舟先我發啞軋響雙槳半渡需於沙作計成
莽鹵欲前旣不能欲泊無處所榴花插兩鬢楚楚隄上女此時
憶嬌兒隨母閨中處白紵裁輕衫繫臂長命縷長安未解憶那
解風波苦且復醉蒲觴舟中作重午

河聲瀉日夜怒益晨風號小波欲吞舟大波山爲搖我家臨安

住看作秋江潮須臾勢少殺解纜心忉忉沿緣逆流上咫尺成
迢遙截流不敢渡可怕陽侯驕翩然落順溜勢若鷹脫條此中
有默佑得失爭秋毫卻看所經處駭浪東西跳下游險尙爾況
乃龍門高維舟向南岸欲買無村醪風吹纜作聲魂夢驚終宵
渡河旣大難入淮復不易淮淤受河濁倒灌聲若沸督漕懼愆
期夾岸走官吏平時治無策效順安可冀攜茅築高壩卽此名
水利我舟例停泊偷渡還遭篙楫縱橫施一觸不容避訇然
柁已折死生直兒戲停舟待脩柁尙在河邊地

順風不揚帆風逆挂帆走因帆借風力放溜免掣肘舟師立船
頭一一篙在手中流忽絕叫神佑不離口舟如磨旋轉掉尾倏
作首大舟戢然來忽覆當我後同舟面灰色命各付之偶艱難
泊淺瀨仰視日過西植椿在浮沙凜凜如馭朽

倦眠斂驚魂餘悸入夢魘夢中險更險醒憶苦麗雜風搖岸芴
輦偶一夢茗霤大聲驚我起萬馬聽蹴踏推篷岸已離水長驚
一霎波閒殘月影半面呈秀牆須臾聞雞號吹袂風颯颯蛟鳥
忽飛起不待熟羊胛巍巍風神祠雙幟雲外插奉揚有專識享
祀歲不乏把酒酌風神平安下三牖

天妃宮宇後有牖高嵯峨中流作關樞一綫容舟過下成萬丈
潭上作千盤渦我舟當其衝疾下如飛梭遽碎與颶激過眼一
刹那翻思策駑馬前涉滹沱河淤泥陷馬足蹲若驚風駝斯行
豈不險快意良復多迷漫射陽湖煙際浮澄波於今得無恙倚
櫂成高歌

寶應

風緊雨餘天輕帆破曉煙遙從練塘下小泊射陂前古驛無兵

成晴沙有鷺眠陳琳墓何處翹首白雲邊

晚過露筋祠

露筋祠下晚波澄新月如眉柳外升水草乍多窗怕啟照眠吹滅一星燈

重過揚州

渡口梅開柳未煙艤舟曾記早春前而今渡口舟重艤梅雨吹絲柳仰縣

重來何處最相思沈醉花前酒百卮一片赤闌干外月倚虹橋畔夜深時

舟中觀漲作

仲夏苦霖晴日數無幾水村望遼闊浮岸愁欲圯河流增一丈鬱怒勢未已憶昔早春時擢向隄邊弭長隄忽不見溼翠沈

波底掠波飛復鳴拍拍鳬鵝喜徘徊一輪月對我東方起中流
散光彩便作乘槎擬帆開闔閭城瞬息松陵抵還從西水驛徑
度由拳里歸去誇家人我來天漢裏

和梅村集中詠物卽次原韻

焦桐

落落誰知己囊韜不復開曲無青眼顧吟有白頭哀中散煙霞
癖相如典冊材勞薪休共棄畱待伯牙來

蠹簡

萬卷何勞破纔堪記姓名叢殘畱古籍穿鑿笑儒生草借芸香
辟仙難脈望成不如全摒擋蠻角任紛爭

殘書

不識何人筆披看水墨凋殘山畱角在墜粉逐風飄枝缺蝸涎

補波圓蟲跡描曹衣與吳帶景色總蕭蕭

舊劍

三尺寒潭水提攜近卅年功名書策外肝膽酒杯前作客空彈
鋏酬恩豈論錢土花看鏽澀悽斷郭君篇

破硯

巧斲端谿骨磨人到白頭半珪蟾月缺一握窮煙收汲冢書慵
寫蘭亭帖廢鉤石交方自信中斷使予愁

廢檠

彤影曾相伴分光鑒苦心圖書秋夜迴風雨草堂深孤枕照將
寐殘更催欲沈無端兩行燭拋爾遂塵侵

塵鏡

不是盲於目塵封久斂輝彤骸藏我拙藻鑒向人非忍使磨礱

惜甘從五礫揮輪佗修月戶斫取彩輪歸

斷碑

物以知稀貴功歸賞鑒真云亭多沒字岫嶠久通神訪或披榛
得募從出土新殘珪心鄭重遺跡是周秦

繭虎

解糴華筵取次開戲憑纖手縛殊材雄姿蠶食崢嶸甚巧樣龍
精變化來辟惡製符縈彩縷宜男徵夢到妝臺繭絲自古傷苛
政試聽南山婦哭哀

鰲鶴

銜得西池阿母書中途羽化恨何如舊標品格酸鹹外新出神
奇臭腐餘入市無波通涸轍求仙有骨載輶車卽看攀附雲霄
易慙愧龍門點額魚

蘆筆

截柳編蒲事筆耕蘆中窮士錫嘉名三間楮葉書皆徧一握江
花夢易成簾撤斷紋供點畫鴈銜疎影寫縱橫麟毫兔穎從拋
擲坐對蒹葭擁百城

橘燈

鶴燄坑膏吐百尋更施雕飾鬬芳心照筵白映湘湖月入手黃
包禹甸金二叟園基宵寂靜千奴執炬院深沈中多敗絮君休
笑已自飛光滿鄰林

團扇篇爲陳秋宇賦

并序

秋宇姬人繡君錢唐周氏女氏凡三女中者尤麗秋宇謀聘之
而先爲庸奴所得不獲已乃聘其少者秋宇意終惘惘題詩湘
竹扇見示戲贈此篇

閉門覓句陳無已團扇詩成何旖旎寄恨裁將黃絹詞因風持
贈紅闌裏紅闌有女可憐生顧曲才華早擅名彈出琴心偏解
悟破來瓜字已分明雲翹是姊雲英妹交甫不來遲解佩惱恨
橋將烏鵲填等閒身作癡牛配羅刹風狂怨蹇修吹花墮溷此
生休妝成鬢鬢長欹枕禮罷菩提嬾下樓由來世事多磨折閒
恨閒愁空惹得有客思將桃葉迎見佗斜倚花枝立崔護風情
自昔多春來巷曲偶經過殷勤便把瓊漿乞戍削剛逢小疾瘥
碧桃花底重簾下鸚鵡聲聲客來者可憐相見便關情卻道相
逢猶未嫁情癡專望事能諧囑母收回紫玉釵不忿珠投濁流
去願移花向別枝開司空見說從來慣到此空將奈何喚水落
何緣得再收絲連無那難中斷自覺文禽強委難忍情還當夢
中看六州鑄鐵真成錯一斛量珠枉自歎催妝累爾空相待苦

把柔腸曲爲解聞語悽然欲語難今生休矣來生在莫教蹤跡
便生疏更遣彭郎聘小姑不愧劉三號孃子便逢歐九喚姨夫
趙家合德年猶小有幸春風嫁偏早別我從今會面稀羨佗此
去逢郎好寄語蕭郎好見憐相看如我在郎前水香勸盞微聞
語金縷提鞵尚待年嬌癡未中夫人忌妹自春愁識全未聊解
文園病渴情不孤杜牧尋春意桃僵代喜有桃根況復中郎似
虎賁無可奈何憐薄命不曾真箇想銷魂新詩傳出班姬怨璧
月佗家畱一半便到秋風忍棄捐有人花下嘯團扇得隴猶餘
望蜀思如君眞是有情癡何當徧種湘江竹引鳳雙栖高下枝
仿曹羹賓游仙詩分得少伯攜西子泛五湖畱別文種
萬頃煙波一釣徒別君從此老菰蒲偶扶烏喙成新越重載蛾
眉入舊吳此去不愛生計拙再來還見故人無酬功寄語金休

鑄王占三江我五湖

題馮放山憶游詩略後

巫山蒼蒼連九疑，瀟湘洞庭波渺瀾。三年飽看粵山水，尚未盡洩胸中奇。跳身擬出玉關去，去訪班超建勳處。青海無邊欲渡難，且把雄思鑄奇句。鑿空諸異博望侯，乃翁數客西甯州。趨庭之暇口詔語，一一不異身親游。興酣落筆逞光怪，大荒之經未曾載。不信人間竟有斯，乃覺當日禹所經。行尚爲隘，讀君詩想君磊落之雄姿。男兒要有四方志，安事埽除一室成。書癡佗年銘勒燕然上，會見乘風破驚浪。萬里封侯輸與君，笑我身無食肉相。

印泥

玉匣淨無瑕，丹痕一片遮。冷光凝絳雪，酣色貯紅霞。豔是壺中

唾黏分石上華增鮮烘曉日帶潤擣春花猩濺脣邊血蟾塗臂
上砂燒應出句漏鍊不藉靈媧一握焉支溼千番側理嘉書成
拋虎僕畫就展鴟義覺少雲霞綴非關姓氏誇烏絲闌外空黃
絹句邊加紙欲三分透雲垂五朵斜油痕浮點漆篆影拓驚蛇
輕蘸稜愁缺重鈴暈恐差方圍平切玉圓折細盤蝸量正安交
格防汗鎮辟邪分明新界壁黯澹舊籠紗墨綬斑斕映金章氣
燄奢紫英標節使紅沫署宮娃素素公侯佩紛紛賞鑒家還憑
參筆妙劃去可如沙

越王臺懷古

崇臺百尺臨江潯於越當年傳校武老去夫差醉不知姑蘇臺
上方歌舞同是金錐築土成吳教歌舞越教兵錦帆涇畔霓裳
影玉筍峰前鐵騎聲雙臺突兀東西地勞逸臺中心各異行樂

全忘報越讎憑高早具吞吳計洞庭西望渺無邊茂苑蒼茫野
樹連漁艤潤含巖峴雨龍旂晴捲鑑湖煙登臨憶昔應惆悵入
宦羞隨長鬣相囚服惲居石室中壽觴把獻文臺上邀赦蛇門
祖道還山川故國尚依然幸辭牧馬充廝養聊且栽蘭學灌園
十年韜晦含深恥不翦吳如此江水手把純鉤怒一揮百萬水
犀同日死我來弔古深於邑功狗功人竟何益賜劔難償文種
冤鑄金空報陶朱德禹穴西頭剡水流叢山今尚指卑猶行人
漫惜吳爲沼一例荒臺麋鹿游

閒情

玳瑁爲梁錦作堂堂前三十六鴛鴦寄將紅豆來南國迎得佳
人是北方錯玉搔頭防髮膩窠金夾膝護肌涼綠窗無限寒閨
女一例秋宵特地長

自矜佳麗壓三千殺粉施朱嬾鬪妍續命絲空縈舊恨守宮砂
不駐韶年擘桃人在心兒裏穿眼花侵榻子邊但使承恩復捐
棄忍持秋扇泣風前

三疊陽關腸九迴一聲河滿淚雙垂織成縑素空盈匹採得蘼
蕪欲遺誰跡似水中萍不定會同天上月長虧飄茵墮溷前緣
在恥逐東風浪蕩吹

欲訴情如越禮何天寒空谷自牽蘿登牆窺笑三年久滅燭畱
嗔一石多肯倩夢償金縷枕爲防嫌擲錦機梭春蠶蛾老烏頭
白歎息年華委逝波

才士風流犢鼻裈瑤琴一曲黯銷魂著衣經月香猶烈擁背深
宵體自溫霧閣雲窗看鳥度瓊樓玉宇想娥奔哀彈別有青陵
操古井無波誓不渾

經春愁緒動千般翠減香銷十八鬟鎮日口中含石闕何心山
上望刀環憑魚通問遲難到託鴿爲媒去不還二十四番風信
過落花狼籍鳥問關

多謝燈花慰寂寥悶支山枕短長宵腸穿束竹愁仍積骨出飛
龍恨始消寬窄腰圍徒自試淺深眉樣倩誰描人間贏得芳華
怨不獨長門閉阿嬌

金猊搖颺吐清芬碧漢迢迢兩戒分心未死終難化石身緣夢
亦暫爲雲羞看單鳳垂釵影怕刺雙鴛入繡紋一種閒情消不
得彩毫和淚寫迴文

崇雅堂詩鈔卷四

仁和 胡敬 以莊

舊藏先君子手題奚丈鐵生雲林圖失去有年矣屠琴鵑
從市上得之慨然見歸今晨琴鵑偕查梅史范小湖許青
士朱閑泉及積堂家秋白見過敝廬同賦是圖感謝作此
披圖山色向人青恍坐松風十笏亭眼底雲煙仍活潑卷中詩
老半凋零圖中有何丈春清孫丈半亭項丈秋子和奚丈詩皆先人手書芳春此地重開蓋清訓當年負
過庭且喜諸公吟筆健又添新句上回屏

陳道山鍾山圖

想見當年下筆難金陵王氣黯銷殘宸游無復高原廟法會長
停泰厲壇拜罷衣冠餘涕淚亂來禾黍寫荒寒祇今地尙樵蘇
禁莫其冬青一例看

拂塵庵古樸行

積鐵作幹石作根，權奇特立當山門。山中豈乏百年樹，例以此
樸皆兒孫。我聞前年風雨會，黑雲翻江壓山背。大聲吹折南向
枝，飛起空中作龍挂。屠侯眼見心魂驚，樹底話及猶怛怛。維時
恰直雨新霽，翠影匝地天無聲。一枝亭亭插天外，風雨何年重
逞快。老僧生怕挾山飛，商畧移茅別峯蓋。風餐雪虐幾百年，行
人過此常畱連。相傳是乃朱遺植，我恐尙在遷都前。雪瓢老人
曾賦此樹，今依然。雪瓢死，秦松漢柏世上多。在此山中歎觀止。

菜花

成蹊桃李漫矜妍，別有花多種滿田。偶亦看經東郭外，斷無開
到畫闌前。幾稜寫豔瓜塍水，一片分陰麥隴煙。傳語春風莫狼
藉，野人生計託年年。

謝楊仙蘇堤春色圖

青山鬱鬱波鱗鱗，
芹芽欲吐蘭條新。
閉門終日握吟筆，
心愁孤負明湖春。
春光卻入畫圖裏，
隱約長隄閒桃李。
中有流鶯無限聲，
催徹畫樓人曉起。
曉起明湖雨乍收，
平沙十里恣夷猶。
香車宛轉垂青幃，
寶馬聯翩控紫騮。
紫騮跑空四蹄疾，
文錦障泥金韜膝。
衣裾濃浮濕翠痕，
鞭絲遠帶棲霞色。
搖鞭徑入花深處，
繫馬花間綠楊樹。
樹外微茫一徑通，
指點六橋從此去。
去去休嫌道里賒，
馬蹄隨處閱春華。
踏殘紅雨埋香路，
嘶過黃驢賣酒家。
酒家望子風前漾，
檀板金樽堪想象。
卻憶探春去歲時，
風光如此沙隄上。
掩卷清遊思浩然，
明朝試泛總宜船。
還憑身在丹青裏，
載取全湖春色還。

吳孝子詩

兒生不識父聞說父生存揮手別鄉里單車出郭門關山經遠道風雨宿孤村從此無乾日衫閒涕淚痕

足跡徧天下行行道且窮嚴寒衝塞外奇險陟關中芻午途千出零丁帖一通精誠端不爽畢竟遇而翁

蜀葵和友人

一般顏色借燕支開趁榴紅蒲綠時大葉麗花燕趙女裁金暈碧謝顏詩街頭茵蠹挑千擔牆腳襴襖見幾枝多少娉婷貯深屋不如伊可是風姿

羅雨峯鬼趣圖

白晝披圖膽尙寒分明佛會現孟蘭料因伎倆生前慣到此泥犁改亦難面目寫來真有覩衣冠對此未須歎無窮變怪人閒事拈出毫端令自看

題元人摹顧凱之馮健仔當熊圖

和我計成邊釁緩後宮從收射熊館射生十萬羽林兒大黃千
鈞各持滿老熊軼出姿崢嶸攀檻欲上君王驚龍泉七尺驟難
拔健仔奮袂前相迎相迎那惜一身死猛獸由來得人止檻外
人還袖手多詫絕紅顏乃能此誰歟寫生擅化工虎頭筆妙將
無同其旁兼寫貴人二意態都入蒼黃中高鬟長裾帝前後變
起紛紛各驚走就中慚殺傅昭儀誣死已兆佗年機嗚呼韓彭
亦駢首漢待功臣同獵狗

悼亡

此別倉皇夢亦驚縱亡魂恐未分明蓋棺不改生前貌懺佛空
酬沒後情一語竟無拌永訣九原如待訂來生斷腸忍聽衰年
母悽絕牀前喚女聲

外集詩卷四
三
大厦驚摧強自支十年孤露苦同之清貧門戶艱難日頑鈍功名慰藉辭但使兒成能少待便先我死未應遲如何七載勤調護剛見裁箋認字時

生怕兒寒爲製襦拈鍼常到夜將徂書憑郎罷挑燈課名尙婆留伏枕呼失母可憐當穉歲抱孫從此累衰姑報君泉下心堪慰佗日蘆花事定無

占夢新宮第七章太人何事但誇祥虺蛇有毒終成厲芣苢無靈枉試方未敢過情增母感轉因孤處祝身康營齋營奠君知否月黑楓林路渺茫

往事追思近目前雙聲彈出伯牙絃同看碧漢初秋夜對撥紅鑪欲雪天勸少書憐我瘦愛勤服散泥君煎者般光景分明記彈指韶華十六年

師友年來屬倡隨每於言笑見箴規酒難斷飲還須節時不宜
趨未便違過耳易忘眞負汝深心相戒更憑誰千番鄭重當時
語根觸風前淚暗垂

石硯空耕不療饑頻年生計歎全非蕉心抱雨愁難展鶴骨經
秋病少肥瀕死更添亡女恨斂身猶著嫁時衣鹿車竟負平生
願相待衰齡共息機

小別怱怱泐水涯帆開百里路非賒相期早返風前權有約春
歸陌上車夢裏惺忪頻喚母客中衰病最憐耶關心菊朵叢殘
在猶是晨妝插鬢花

可奈人閒此恨遭前塵回憶首空搔體原少病微嫌弱心欲持
家諱說勞檢得衣衫經手製算惟井臼免身操鰥魚情味傷秋
易又見新寒透緼袍

有石難填此逝波。欲忘情苦奈情何。孤眠愁緒雞鳴旦，小劫年華豕渡河。世味已同秋色澹，枕函無奈淚痕多。外家門巷城東曲，忍爲傷心不再過。

觀落葉感作

蕭蕭落葉滿階墀，根觸風前有所思。翰爾同生得同老，又同時節下高枝。

片影隨風墮石闌，凌雲有勢奈摧殘。芳華縱說春回易，誰與空山度歲寒。

新霜一夜綴春紅，無那飄殘夕照中。任是非花也搖落，人情休只怨東風。

戴研湖感逝詩題辭

悔煞遲開卻扇筵，新詩和淚寄風前。傷心才調清如許，不賦催

妝賦斷絃

人間此恨知多少似此鍾情最可哀緣薄不如潘騎省尙曾親與畫眉來

夢游雁蕩吟

我欲天台游興公有賦題上頭我欲天姥去青山見說只愛青蓮句竭來何處散我顏七十七峯乃在天姥天台閒仙之人兮忘我夢驚怪世上此日人還閒導我攀丹崖凌絕巘陡覺霆砰雷轟雨飛濺俯視盤空雙白練王鳬謝屐都不須往來萬丈峯頭雲一片大龍湫小龍湫龍鼻之水終古無停流其餘千巖萬壑名字杳不識夢中未暇山經地誌窮爬搜但使乘雲往來可隨意逕欲誅茆作家計幾人辛苦學神仙夢如可長卽此便是壺中地驚魂肅肅天風吹欲留不得心遲回月明江上相送一

千里照我出游仍照歸覺來孤館燈青色錯認倦眠松下石雲
煙恹恍疑有無側耳隱隱泉聲飛滿室詩忘夢中題追想成迷
離千靈百怪寫向何處是借消塊磊一吐胸中奇夢中之游有
如此未知真面匡廬果何似人間萬事那有真君不見金銀樓
臺海中市雁蕩吟幽思深佗年身到七十七峯徧舊夢蒼茫何
處尋

甲子元夕雷雨適讀彭羨門先生南注集有元夕聞雷詩
和作兼懷舍弟立仁

壓檻癡雲不放晴驟喧天氣似羊城正逢燈火上元夕早聽春
雷第一聲雨勢挾風侵夜大電光如月照筵明南昌東下歸舟
遠放櫂桐江定幾程

詠兔

自昔擣靈藥至今猶在無中書君老矣彈鋏客歸乎輸爾能營窟慚予正守株何時獵秋草搏擊縱韓盧

塘栖

新漲差差水一涯菰蘆深處棹徘徊波搖不動鳴榔過船觸有聲魚鱗來六幅迎風蒲席穩三層臨水市樓開舊廬唐珣今何處剩有寒塘徧草萊

卽目

分塍別畝水邊田披拂東風景自妍飛入菜花渾不見一雙黃蝶小于錢又近吳蠶浴種時柔桑初弄碧參差誰家點綴春風色屋角桃花露一枝

烏鎮

宿雨新添漲一篙臨平山色望中遙順風帆影捷於馬下水船
聲喧若潮黃竹排簽低界道碧谿分汊暗通橋黃昏飽飯蘆邊
宿準記行程第一宵

望舍山

一葉溯風湍中流意自歡路迴疑岸盡舟小駭波寬林鳥娛清
聽谿花媚遠觀舍山何處是煙際見遙巒

渡太湖

揚帆渡太湖正值東風作迷茫萬頃波身世欲何託波深浪洶
湧洪流彙羣壑我時臥舟中舟訝如紙薄遲快甯濡遲疾喚帆
全落恬波尚如此況乃風浪惡平生抱壯圖頗懷萬里略虛願
笑書生臨境終孱弱自非曠達胸襟能無錯愕行路大是難緬
想家居樂

放舟至江陰

路盡長隄見石缸九龍山畔港分雙兩厓百尺遮平楚一水千
迴入大江麥帶微黃鋪曉日竹搖濃翠落蓬窗放顏祇有層巒
好相對鄉心爲爾降

金山寺觀蘇長公玉帶

劫火不焚兵不壞帶與檀那閱千載暇乘長風到香界我不見
公惟見帶見帶有如公現在問胡腰圍爾許大中有文源瀉千
派從渠讒言若蠶蠶是中容渠足千輩妙高之峰巨鼇戴南來
山游此爲最山中老僧燒筍待花豬肉肥公所愛啖公暫破菩
薩戒捫腹忻然想公態談元無心關機械豈真純根忘所對本
來此心無恙芥畱鎮山門心亦快衲裙報公輕已太惟公視之
能一概傳觀老僧苦相誠慎莫臨流露光怪恐有蛟龍過檻外

攫入深淵出難再

如臯道中

江北淮南此水鄉絕憐風景似錢塘清谿繞郭魚蝦賤宿麥連
塍餅餌香欲賃蝸廬開夏課便收菱稅足秋糧一彎晴碧千叢
竹何處名園冒辟疆

平山堂卽事

載酒出郭日已微尙嫌斜照侵人衣船頭倏掉作船尾隻隻退
如六鷁飛

垂虹橋邊畫舫開每停橈處逢樓臺小船載酒供客讌燕尾翦
波雙槳來

江陰試院西園

晚涼苔徑愜幽尋紅雨吹殘徧綠陰小有樓臺偏近水無多花

木便成林地臨滄海生風易時到黃梅入夏深閒倚闌干歌水
調一雙驚起踏枝禽

清游隨地足招涼池館愔愔夏日長新竹搖風初散影野花含
露乍吹香四圍冷澹芙蓉水一帶彎環薜荔牆極目試登高閣
望參差城堞倚斜陽

述游寄孫雲壑

六朝芳草映征鞍才盡文通欲賦難浮玉潮聲檐外聽栖霞山
色雨中看歐公別墅花千壠冒氏名園竹萬竿卻憶孫登臥巖
壑綠楊陰裏一憑欄

王村漁自都抵江陰話舊作

銷夏明湖記昔年高樓聯榻夜深眠佛龕彌勒成新侶鹽筴桓
寬續舊編

辛酉歲與村漁預修鹽
法志同寓湖上招提

一自別同飛絮跡再相逢正熟梅天

暫來莫便移歸櫂好待秋風度檻前

開倉謠

雨聲浪浪打屋瓦高田水向低田瀉浪浪晝夜無時休低田水
接高田流田高田低水一片農夫把鋤淚滿面五日雨無麥十
日雨無禾無麥食不足無禾將奈何縣官勘災下鄉里里胥迎
官跽田裏道言多雨稼不傷縣官聞言色爲喜府符昨下來火
速催倉開待開不開視鄰邑各各顧望相遲挨吁嗟乎身家事
大民命小卽使開倉吏中飽明歲催科書上考

西園觀荷

微涼瑟瑟水差差亭角分明見幾枝莫向風前怨遲暮泥人全
在未開時

凌波仙子佩珊珊綽約從人仔細看生怕葉遮看不見一枝高

過赤闌干

打槩何人水調歌瓜皮艇子捷于梭芳心好採君休採畱取秋風結子多

斜陽影裏小徘徊更擬明宵秉燭來好是五更風露緊一天涼月照初開

憶琳兒

玉雪最堪誇興宗想望賒背師騎竹馬邀弟饋桃花廣額渾如母愁心莫似耶夜深應不寐猶是濫塗鴉

惠泉

中冷甲天下名在實則違儲泉大江底縞纈無所施陸羽不可作辨者知爲誰我昔廣陵游權向金山維山僧汲井華盛以玉色卮云是中冷泉一笑心自知從來盛名下僞託多如斯徑思

移第一於此泉名之此泉眼親見高下分三池下池方半畝鑿石形權奇龍脣水噴薄怒作鱗之而中池小於井了了鑿巖上池乃其源相較尤清漪譬如施與嬌百妍無一媼又如瓊玖溫粹無瑕疵惟靜自生明惟清自無私終朝任挹注千載何成虧爻占井九六爲惠良不貲豈無廉與讓潔已與世遺何如此山泉沾漑無窮時

丹陽舟中望見龍挂

墨雲駕龍龍尾墜秋陽赫戲炙龍背龍愁暍死鱗鬣張倒捲長江入雲內初看白氣一縷升側耳半天聞水聲此時羲和退三舍讓渠掉尾空中行須臾雨打篷窗急疾雷震霆驚一瞥明朝京口挂輕帆量取江波減應尺翻身依舊入滄溟龍去天空山自青起拓篷窗看落日滿谿波尚帶龍腥

晚渡秋江寫望作

雲作閒峰放晚晴西風吹送客舟輕樓臺鐘鼓金山寺燈火檣
帆鐵甕城篷背六朝明月色渡頭三峽遠江聲登臨可奈逢搖
落懷古蒼茫百感生

渡口何人打槳歌青山鬢鬢水羅羅梅根廢冶寒沙徧瓜步空
城落照多蘆荻有聲搖岸雪魚龍無影臥江波西風一夕芙蓉
老欲採芳心奈苦何

江上西風有鴈歸閒居無那素心違客愁北固山千疊鄉夢西
冷竹四圍落日曾畱蘇玉局餘霞空憶謝元暉明朝又入栖霞
路塵事何年得盡揮

食孝陵瓜奉酬吳欣齋食瓜見示之作

七月食瓜莫厭遲時令正應幽風詩笑君援詩復議禮謂是庶

人宜齟之我來金陵恣大嚼熱解清涼沁毛髮遠道無由寄餉
君知君正抱文園渴君家茗甯我明湖同是煙波一釣徒解飲
碧筩開夏譙慣栽紅菱當秋和勞勞觸熱何聊賴伏雨闌風此
行邁內熱須將瓜鎮心行程休俟瓜期代江上秋風歸思賒白
蘋香裏一帆斜怪佗人待封侯後始向青門學種瓜

秦淮雜詩

莫惱風波江上舟秦淮水亦滙江流偏佗丁字簾前水只載笙
歌不載愁

歌翻桃葉漫成腔渡口閒來打槳雙底事尚歌迎接汝近來無
渡可通江

麾扇何人唱渡河祇餘金粉鬪姪娥英雄畢竟輸兒女朱雀航
頭野水多

方正學先生祠

明祖當傳辟元勳略喪亡惟公職文學以道翊元良經訓嫺匡
鼎軍謀贊子房九重悲遜位一死報高皇憶昔頒封典于燕大
啟疆中興天運在耦國冀都強控北饒形勢征東破斧斯三監
殷管蔡七國漢齊梁黜爵貽猜忌來朝失制防無心誅叔父有
說輔成王塞外兵符急宮中講幄張箴江疎保障隧道避恩忙
此舉無名極先生大義彰片辭終不假十族更何妨復壁臺卿
匿荒山杵臼藏藐孤孫竟免遺蛻土猶香天爲畱書種人因識
典常成仁效關比遺恨用齊黃舊壟殘陽裏叢祠古道旁紫金
山不遠雲氣迴迴翔

選樓書來知王木齋於季春下世詩以哭之

尺素傳鄉里驚心失仲宣有書空滿篋無藥可延年草木蟲魚

疏凡將爾雅篇憑誰與收拾畱付後人賢

未了平生事重泉恨尚銜六旬雙白髮卅載一青衫自我來游地當君舊挂帆金閨亭畔柳愁見影摻摻

金陵試院南樓觀報恩寺塔燈

涼階露冷吟秋蛩照眠一枝官燭紅高樓登登三十尺揭來眺遠杼幽悰繁星切漢珠錯落冷螢穿樹煙迷濛長干有塔高可見照灼燈影懸虛空琉璃璀璨碧瓦映牡蠣宛轉雕疏通八窗九級列高下百四十椀光熊熊層霄上燭蔽參斗大江倒影驚魚龍是誰修月斫月碎飄散月屑隨天風不然神龍抱珠戲藏珠一一龍鱗中金銀樓臺夜照耀又疑身入蓬萊宮牟尼百八穿玲瓏半天現出如來容珠鬘四圍結瓔珞花雨萬朵開芙蓉星橋駕空火樹列一切擬議知無庸我聞是塔晉初建有舍利

尚金函封老僧相傳風雨夕往往飛出光如虹青黃碧綠互隱
現五色變化無終窮傳燈無人法炬滅象教久失西來宗但觀
燈具正法眼作舍利想將無同樓高多風難久佇歸臥秋帳心
神融疎鐘一聲驚夢斷覺來曉日升天東

曉行

黃葵紅槿滿籬栽秋色看宜破曉來山日未高林露濕牽牛花
趁早涼開

梁武帝墓

若敖鬼已餒生前華表人猶指道邊同泰捨身空有願臺城贖
帝竟無錢尚餘古刹傳蕭寺絕少芻牲薦墓田回首六朝陵寢
地不關梁代總寒煙

兩經栖霞以事阻不果游

栖霞兩度游空訂觸熱勞勞笑此身山若有靈應恕我客原非
俗奈隨人到來無分攀青嶂別後相思寄白蘋比似蓬萊望中
見一帆風引又迷津

新開河雨中夜泊

蒲帆六幅望中收渡口涼生一葉舟鄉思夢魂千澗雨風聲蘆
荻兩崖秋雲橫大野天低壓潮落空江水漫流咫尺金焦望難
見幾痕煙樹認瓜州

自京口放舟至奔牛道中同童望軒作

一宵涼雨阻歸程破曉抽帆冒雨行蘆葉夢搖揚子渡蓼花秋
滿呂蒙城水邊寒早青衫薄客裏愁多白髮生時序又逢三五
夕玉蟾須放十分明

偶成

秋雨秋風暗渡頭黃雲千頃稻初收攜鋤獨自歸來晚間著蓑衣看浴牛

枳籬深處隱人家小徑彎環一道斜紫萸白茄栽滿地繞籬開徧水蓼花

中秋毘陵舟中對月有懷

去年月比今年好幔卷南樓見徧早庭桂檐前花正繁鑪烟扇底香微裊今年月讓去年明愁臥篷窗夢不成雙鬢照來添雪色一帆歸去聽秋聲年年歲歲同明月明月自同心自別綠酒紅燈憶去秋黃蘆白葦悲今夕今夕仍看秋月圓同看人更見無緣明年看月知何處獨自臨風一惘然

西園觀射

畫竿子子施長繩五色高挂風前棚卿雲麗霄日抱珥外繞青

綺中丹繪平蕪匝地秋光澄新霜欲降風生稜分曹比耦試鳴
飽當風胸次何峻嶒書生挽強力不勝弓如缺月天邊升乍低
欲索草間兔倏高仰射秋空鷹就中破的見亦曾十得一二非
其能有如金門共射策偶雋卽擅能文稱不如脫括還釋冰歸
鑽故紙學凍蠅春風誰是萬人敵空參愁殺軍中陵

寄家書感作

幾度思家望白雲水程風便寄書勤無端錯認生離別猶把平
安問到君

詠庭前草木

參天雙古柏植立堂東偏高柯勢屈蟠狂草如張顛縱筆凌虛
無生意相迴旋斯堂舊侯第建自朱明年江陰試院爲明江陰侯吳良舊第植此果
何時恐在堂成先人生感薄植況乃虛名牽

戢戢竹萌生娟娟微露灑春風乍披拂一宿苞盡解森然見風
骨足備伶倫採吾聞豫章生受知須七載遲速雖異時勁節同
不改

凡材無直幹嘉木無醜枝脩脩百尺桐芳蔭垂階墀清風颯然
至韻協冰蠶絲著花澹於雪開落無人知何心效春華與世爭
妍媸

桤樹亦良材樗散非惡木擁腫而權奇厥名乃爲檟陰森大蔽
畝敗葉紛簌簌枝柯礙高梧雨露障修竹如與小人居君子翻
見辱蟠根亦已固尋斧驟難斲得以終天年不材果爲福
閒庭多隙地點綴秋花明移根五月中扶寸芽初萌熏風幾日
來丹萼揚其英緣枝子離離隨風自飄零涼階一雨過還傍根
閒生種檀得繫迷種禾稂莠盈同氣而殊性愧此小草貞

古牆蔓藤蘿垂空枝裊裊柔條無勁心夏日炙已槁幸翳嘉樹
林託根自云巧秋霖積陰晦生意方未了朱實何葳蕤悅目一
時好根株暗穿漏風雨牆爲倒滋蔓匪難圖用力須及早

觀刈秋蘆

荒寒石徑點蒼苔瑟瑟秋蘆繞徑栽如雪可憐鋪地徧有人曾
衣此花來半塘煙水雙栖穩萬頃風波一櫂開我自孟光長別
後疎簾相對不勝哀

白詩紙開蘆
簾著孟光

翻車戲作

秣吾馬膏吾車雞聲喔喔夜向徂出門登車泥滿塗我車軒以
輕我馬馳以驅忽焉入坎窞倉猝不及呼人生憂患無地無何
必涉險始足虞大聲將伯前助予蛇行蒲伏何傷乎我僕痛矣
我馬瘡晚投茅店日已晡重秣吾馬膏吾車

車渡

朝方渡河久又渡河渡河如何駕車而過攢蹏四馬豕涉波回
湍散作千盤渦大波學輪轉小波珠翻荷但憑馬去莫回顧安
穩勝似海上鞭黿鼉吾聞大梁爲杠小畧約古來道路平無頗
自從考工廢不講匏葉乃見詩人歌吁嗟乎行路大難世途惡
古時猶少今時多今時雖多請看所經處南轅北轍往來不絕
如飛梭

謁孟子廟

孔沒微言絕王章并蕩然歷年雖未遠斯道竟何傳天欲開來
學鄒因毓大賢降神由泰岱私淑在文宣姓自三桓別居仍曲
阜連祇今崇四配維昔凜三遷楊墨紛爭日齊梁列聘年強侯
爭闢地處士競談天珠履游於趙金臺啟自燕虎狼關百二雞

狗客三千不有人倫建將無世道湮運當三代季任以一身肩
弟子乘車後君王擁篲前鄒任相結納滕薛與周旋軍政師湯
武民膜議井田教明興術序籍去辨班聯當代言如用衰周緒
可延人情多繫枘王道笑拘牽絕業承三聖空文託七篇稱經
從此絕尊孔最爲先子豈諸家比書因四子全藝文傳漢注經
籍舛隋編比禹功無媿方荀論乃偏擬人嘲史謬持論仗韓堅
舊邑開宮寢明禋仰几筵穹碑昭日月古柏撼風煙草長機堂
外林園墓道邊石猶存跼像雷與闢飛泉祠址元時拓公封宋
代沿判懸周樂備殘畫魯宗鐫釋菜情文缺握衣禮數虔千秋
垂廟貌俎豆自縣縣

過鄭州有懷立人弟

記曾風雨夜相與一床聯驅馬重過此春寒似昔年關山成獨

往燈火憶從前不盡相思意看雲鎖日眠

七月望日在都得家書感逝作用癸亥年韻

燈下開看陡覺驚徬徨無寐到天明數奇不偶重成夢絲斷仍牽未了情新恨那堪連舊恨今生如此況他生傷心一第曾何補博得人多太息聲

南朝金粉北燕支

去歲兩客金陵

絕少閒懷賦牧之已往事虛偕老願更

何心譜合歡辭中年多故情難已有女因貧嫁獨遲藉奉衰齡撫黃口鏡臺輸記去冬時

悔煞豪情慕棄繻春明畱滯到秋徂不圖爾爾前身定無分卿

卿向我呼易了一生憐紫玉竟難雙處伴黃姑烏絲闌寫簪花

格剩楮零縑尙在無

關諸人善書

山積驚悉惠連章噩訊頻傳訝不

祥

月初得舍弟書知施潛珍外舅於五月十八日辭世距孺人沒止六日

回

憶冰清彈有淚何期珠碎救無方正逢秋至傷潘岳欲解愁多
託杜康曾未相莊那相覓黃泉碧落兩茫茫

小謫知從阿母前恨無緣許續離絃桂枝斫罷娥還月唐韻鈔

成鶴上天

補人姓吳氏

竟爾視含難我待幾曾量藥爲君煎瓊瑰剩有

盈懷淚腸斷黃楊戾閭年

泉臺應與姊肩隨虛幌愁看月半規弱小依姁心獨苦看承猶

女願終違

補人幼失怙恃依舅氏朱根石先生以處癸亥歲施補人亡後潘珍外舅敦勸聘定約以親女相待是其賢可知矣

解安貧定能

如我真愛才還更有誰遣嫁渭陽高義在感深知已淚雙垂

翠袖天寒獨耐饑高門回首事全非有兄荆感分難合無母雛

憐瘦不肥先我名成貽玉佩爲誰工苦製羅衣九張悽斷天孫

織珍重流黃舊日機

王孫休自怨天涯路入重泉始覺賒一縷但容牽綵線三周曾

未御香車傳來草草書眞否夢見珊珊影是耶紫果蘭因本無
著空中色相幻曇花

舊恨新愁幾度遭睢陽髮亂不容搔追稱萊婦酬君願

余擬歸里後即迎其

聖

誰撫荀娘慰母勞

荀娘廣子山字小名見本集

烏夜啼偏驚客夢雉朝飛又寫

琴操

方

從今待漏晨趨直嬾把香熏蜀錦袍

無才消受愧連波空向尊前喚奈何風緊難吹花上樹宵涼須
盼鵲填河人閒此恨如予少地下埋憂想子多攀作神交定相
許墓門容載隻雞過

題秋蔬小幅

一丸蘿蔔火吾宮

舊

熱惱年來念已空蚱蜢聲中秋雨急家山

滋味菜羹風

畦外蜻蜓颭薄寒晚菰黃近石闌干爲他魚有吞鉤意怕逐東

風上釣竿

紀金淑人割股事

宏農有孝婦事舅家西秦隨夫宦江南荆釵猶故貧膏肓舅嬰
瘵日久蛾眉鬱複苓既無功俞跗亦不神蒼黃割股進口回
陽春髮膚損毀傷胡乃戕其身斯義在六籍未可繩婦人張密
以人子介推以人臣女既移所天舅實同君親雖違儒者訓道
足敦彝倫箕帚見德色薄俗懲齊民表此勵巾幗庶使風化淳
富春舟中

帆阻西風小滯畱一灣村落望中流層巒表塔明斜照小市臨
江聚客舟潮漱山空全露石城依隄結不遮樓水程枉道魚蝦
賤且買村醪散暮愁

時以久
雨禁屠

七里瀧看山

揚舲入瀧中陡覺風景異四望皆崇山山多少平地人家住山
半一一蜂窩寄日暮炊煙生搖漾作雲氣清景滿目前延攬愜
幽意白鳥橫空來點破萬山翠

有水必赴壑有山皆升雲岱宗雨天下不與羣山羣崇高使之
然功力由以分幸莫輕羣山終勝灌溉勤千古一伊呂緬想心
空殷利濟驗目前不如賢宰君寄言匡時輩無徒詡高勲
兩崖山峨峨江流一繩貫煙雲相蕩摩山斷脈不斷著篙聲硜
然其下石淩亂如岡復如阜或欹露水畔乃知大江流已在山
之半山中謂有水眼見因習慣水中謂有山聞語目爲眴世士
拘目前斯理疇能判

白雲如擘絮冉冉升山坳學山作奇峯還與山爭高回風颯然
至散作輕煙飄非煙亦非雲澹白蒙空霄風輕雲力重陰靄吹

難消俄灑雨霏微清寒透征袍是時麥正秋黃雲被芳臯刈穫
貴及時無使吾民勞乞山貯甘霖畱溉盛夏苗

一灘重一灘湍激石齒齒舟西風東來十里行一止挽舟憫舟
師此豈非人子登山復涉水重爾滿足趾僕人苦滯畱笑羨來
帆駛我意殊不然何妨少畱侯快意匪可常從善有如此

蘭溪道中

白石鄰鄰水下灘清溪百折瀉洑瀾縈回小艇隨流轉一面山
分四面看

瀟瀟寒雨鷺鷥汀岫幌巖扉次第局猛地風來雲腳斷半天浮
出一峯青

江行

岸勢千回折江流一綫微淺容浮馬渡高出釣魚磯破網無人

結澄波有鷺飛迴篙濺涼沫淨淥染生衣

觀瀑

翠鬟千百擁層巖盡日看山意未厭山似隕人太唐突一重放下水晶簾

重過釣臺

突兀東西兩釣臺臺前滾滾大江迴如何名獨嚴陵擅有足曾加帝腹來
狂奴倘許事功名圖畫雲臺孰與爭四七宿中難位置客星長
傍帝星明

丙寅八月催妝詩卽和內子咏雪舊作韻

肯擬吳鹽撒碧空如卿解道絮因風曾披瑤篴窺仙什待咏霓裳對綺櫳
郢曲豔分春雪白蜀箋題勝御溝紅效顰莫漫嫌唐

突家住蓬萊本在東

初冬偕葉燾葺東城野望

晚禾初刈麥初栽芳隴沿回一徑苔行盡短籬蕭寺見山門紅
對夕陽開

將赴都書示九松弟

也識行還住無由策雨全慈親康健日遠道別離筵作宦安吾
素兼珍仗弟賢何時遂歸願春酒介花前

官湖次壁閒嚴少峯前輩韻

底事勞勞者驅車復此過客情長畏雨民患亟防河物外閒身
少人閒捷徑多君看搖落意先上最高柯

車鈴

遠道聞鈴語鄉情不可降驚心度遼濶入耳厭紛囂遮只蘆爲

席韜非錦作，枉無纓。箇箇有轂，轉雙雙。齧膝縱橫，駕當胸斷，續縱疾馳雷。隱賑徐碾，玉琤琮抑塞，愁逢淖。喧闐駭度，缸調翻泥滑。滑響激水，淙淙淋雨，還成曲搖風。別有腔林，閒應怖鴿花外。早驚龍牧笛，前村唱鐘和。遠寺撞郎當，穿犖替戾陟崆峒。倦解新銜，勒枯尋舊，繫椿槽聲喧處處。燈影照幢幢，愆矣人投店。蕭然壁倚釭，暫眠欹短枕。引夢落滄江，叫徹寥天雁。敲殘冷巷柳，聽知身是客。驚起月當窗，草草無三宿。驂驂又一邦。何當車對挽，歸踐鹿門龐。

道旁官柳

衰柳長隄，傍曉過數枝，迎面舞婆娑。時從水驛山程，見職掌清風，白月多插腳也。知當路好折腰，其奈向人何。何如鷺渚鷗汀，外任展柔條，蘸綠波。